**捣藻堂四庫全書** 

音薈

要

史部

欽定四庫全書管要是銀出事本末卷四上

詳校官員外郎臣楊世倫

賜光後數日帝譴責鉤弋夫人夫人脫簪珥叩頭帝曰 忠厚可任大事上乃使黄門畫周公負成王朝諸侯 ·欲以大臣輔之察羣臣唯奉車都尉光禄大夫霍光 定四庫全書管要悉八千六百九十七史部 通鑑紀事本末卷四上 霍光廢立 知上奇愛之心欲立焉以其年樨母少猶與久 後元元年 鉤弋夫人之子弗陵年數歲形體 通鑑紀事本末 袁樞 撰

也往古國家所以亂由主少母壯也女主獨居驕蹇淫 亂自恣莫能禁也汝不聞吕后邪故不得不先去之也 且立其子何去其母乎帝曰然是非兒曹愚人之所知 |年春二月上病篤霍光涕泣問日如有不諱誰當嗣 讓曰臣不如金日磾日磾亦曰臣外國人不如光且 項之帝問居問左右日外人言云何左右對日人言 上曰君未諭前畫意邪立少子君行周公之事光

引持去送掖庭獄夫人還顧帝曰趣行汝不得活卒賜

**璽郎不肯授光欲奪之郎接劔曰臣頭可得璽不可得** <del>我殿中當有怕一夜羣臣相驚光召尚符璽即欲收取</del> 官禁共領尚書事光輔幼主政自己出天下想聞其風 子即皇帝位帝姊野邑公主共養省中霍光金日磾上 禁為左將軍受遺詔輔少主又以搜栗都尉桑弘羊為 御史大夫皆拜卧内牀下丁夘帝崩于五柞宫戊辰太

寅以光為大司馬大將軍日磾為車騎將軍太僕上官

使匈奴輕漢矣乙丑詔立弗陵為皇太子時年八歲丙

世自先帝時為尚書令志行純篤乃白用安世為右將 霍光日將軍不見諸日之事乎處伊尹周公之位攝政 昭帝始元二年春正月封大将軍光為博陸侯 或説 今將軍當盛位帝春秋富且納宗室又多與大臣共事 擅權而肯宗室不與共職是以天下不信卒至於滅亡 也光甚誼之明日韶增此郎秩二等聚底莫不多光 反諸吕道如是則可以免患光然之 九鳳元年冬十月大將軍光以朝無舊臣光禄勲張安

**茨匹庫全書** 

起生有蟲食其葉成文曰公孫病已立符節令魯國眭 弘上書言大石自立僵柳復起當有匹庶為天子者枯 三年春正月泰山有大石自起立上林有柳树枯僵自 又以杜延年有忠節擢為太僕右曹給事中 軍無光禄勲以自副焉安世故御史大夫湯之子也光

傳國之運當求賢人禪帝位退自封百里以順天命弘 樹復生故廢之家公孫氏當復與乎漢家承堯之後有

坐設妖言感衆伏誅

光以其書示丞相敞等權郎為九江太守即日承皇后 宜雖廢長立少可也廣陵王不可以承宗廟言合光意 周太王廢太伯立王李文王舍伯邑考立武王唯在所 詔遣行大鴻臚事少府樂成宗正德光禄大夫吉中郎 王本以行失道先帝所不用光內不自安即有上書言 獨有廣陵王胥大將軍光與庫臣議所立咸持廣陵王 **鱼庆四库全書** 元平元年夏四月癸未帝崩于未央宫無嗣時武帝子

將利漢迎昌邑王賀垂七垂傳詣長安邸光又白皇后

筆轡身勞厚車興朝則冒霧露晝則被塵埃夏則為大 暑之所暴炙冬則為風寒之所區溥數以耎脆之玉體 半日馳三百里中尉琅邪王吉上疏諫曰大王不好書 素狂縱動作無節武帝之喪賀游獵不止嘗游方與不 從右將軍安世為車騎將軍賀昌邑哀王之子也在國 術而樂逸游馮式搏銜馳騁不止口倦虖叱咤手苦於 犯勤勞之煩毒非所以全壽命之宗也又非所以進仁

義之隆也大廣厦之下細旃之上明師居前勸誦在後

通鳍紀事本末

道訴訴馬發憤忘食日新厥德其樂宣街機之間哉休 則俛仰屈伸以利形進退步超以實下吸新吐故以練 臧專意積精以適神於以養生豈不長哉大王誠留意 上論唐虞之際下及殷周之威考仁聖之風習治國之 怠於官館園池弋獵之樂未有所幸大王宜夙夜念此 上聞則福禄其臻而社稷安矣皇帝仁聖至今思慕未 如此則心有堯舜之志體有喬松之壽美聲廣譽登而 以承聖意諸侯骨肉莫親大王大王於屬則子也於位

陳禍福至於涕泣寒寒亡已面刺王過王至掩耳起去 五百斤酒五石脯五束其後復放縱自若郎中令山陽 無度遂入見王涕泣膝行左右侍御旨出涕王曰郎中 能無情中尉甚忠數輔吾過使謁者千秋賜中尉牛肉 者於以上聞非饗國之福也王乃下今曰寡人造行 臣也一身而二任之責加馬恩受行義強介有不 郎中令善處人王嘗久與觸奴宰人游戲飲食賞賜 也厚剛毅有大節内諫爭於王外責傅相引經

通鐵紀事本未

今大王親近犀小漸漬邪惡所習存亡之機不可不慎 令何為哭遂曰臣痛社稷危也願賜清問竭愚王辟左 也臣請選郎通經有行義者與王起居坐則誦詩書立 為堯舜也王說其諂訣常與寝處唯得所言以至於是 日臣聞膠西王有諛臣侯得王所為假於禁紂也得! 王居數日王皆逐去安等王嘗見大白犬頸以下似人 則習禮容宜有益王許之遂乃選郎中張安等十人侍 右遂曰大王知膠西王所以為無道亡乎王曰不知也

亡之戒大王不說夫國之存亡豈在臣言哉願王內自 詩一篇何等也大王位為諸侯王行汙於庶人以存難 室王獨見之此天戒大王恐官室將空危亡象也王仰 冠方山冠而無尾以問襲遂遂曰此天戒言在側者盡 見大熊左右莫見以問遂遂曰熊山野之獸而來入宫 冠狗也去之則存不去則亡矣後又聞人聲曰熊視而 揆度大王誦詩三百五篇人事淡王道備王之所行中 天嘆曰不祥何為數來遂叩頭曰臣不敢隱忠數言危

通鑑紀事本末

道王古奏書戒王日臣聞高宗諒闇三年不言今大王 終不改節及徵書至夜漏未盡一刻以火發書其日中 日宫空不久妖样數至血者陰憂象也宜畏慎自省王 以亡易宜深察之後又血汙王坐席王問遂遂呼然號 年未嘗有過先帝葉羣臣屬以天下寄幼孤馬大將軍 以喪事徵冝日夜哭泣悲哀而已慎母有所發大將軍 王發晡時至定陶行百三十五里侍從者馬死相望於 仁愛勇智忠信之徳天下莫不聞事孝武皇帝二十餘

載女子至湖使者以讓相安樂安樂告龔遂遂入問王 濟陽求長鳴雞道買積竹杖過弘農使大奴善以衣車 事壹聽之大王垂拱南面而已願留意常以為念王至 援而立大王其仁厚豈有量哉臣願大王事之敬之政 抱持切君襁褓之中布政施教海内晏然雖周公伊尹 無以加也今帝崩無嗣大將軍惟思可以奉宗廟者攀 王曰無有遂曰即無有何愛一善以毀行義請收屬吏

以湔洒大王即捽善屬衛士長行法王到霸上大鴻臚

近年日華全書 夏

等耳且至未央官東闕遂曰昌邑帳在是闕外馳道北 未至帳所有南北行道馬足未至數步大王宜下車鄉 明東都門遂曰禮彝喪望見國都哭此長安東郭門也 帝于平陵 目邑王既立淫戲無度目邑官屬皆徵至 皇帝靈綬襲尊號尊皇后曰皇太后 壬申葬孝昭皇 闕西面伏哭盡哀止王曰諾到哭如儀六月丙寅王受 王曰我嗌痛不能哭至城門遂復言王曰城門與郭門

郊迎駒奉乘興車王使壽成御即中令遂察乘且至廣

陛下之詩不云乎管營青蠅止于藩愷悌君子毋信 流涕謂曰王立為天子日益騎溢諫之不復聽今哀痛 長安往在超擢拜官相安樂遷長樂衛尉襲遂見安樂 言陛下左側幾人衆多如是青蠅惡矣宜進先帝大 東西所為詩道古制寬大臣有隱退今去不得陽狂恐 之矢碛西階東可五六石以屋版瓦覆之以問遂遂曰 知身死為世戮奈何君陛下故相宜極諫爭王夢青 盡日與近臣飲食作樂關虎豹召皮軒車九旒驅 通殿紀当本木

子孫親近以為左右如不忍昌邑故人信用讒諛必有 凶咎願詭禍為福皆放逐之臣當先逐矣王不聴太僕 定 四庫全書 

**盛年初即位天下莫不拭目傾耳觀化聽風國輔大臣** 選賢聖承宗廟東迎之日唯恐屬車之行進今天子以 还河東張敞上書諫日孝昭皇帝昼崩無嗣大臣憂懼

未褒而昌邑小軍先遷此過之大者也王不聽大將軍

光憂懣獨以問所親故吏大司農田延年延年曰將軍 為國柱石審此人不可何不建白太后更選賢而立之

罰常陰時則下人有伐上者惡察察言故云臣下有謀 世實不言乃召問勝勝對言在洪範傳曰皇之不極厥 縛以屬吏吏白霍光光不舉法光讓安世以為泄語安 出遊光禄大夫魯國夏侯勝當乗與前諫曰天久陰而 也光乃引延年給事中陰與車騎將軍張安世圖計 光日令欲如是於古嘗有此不延年曰伊尹相殷廢太 不雨臣下有謀上者陛下出欲何之王怒謂勝為妖言 甲以安宗廟後世稱其忠將軍若能行此亦漢之伊尹

更為にまたた

|請奉大將軍教令癸已光召丞相御史將軍列侯中二 驚懼不知所言汗出治指徒唯唯而已延年起至更衣 决先事誅矣延年從更衣還敞夫人與延年祭語許諾 使九畑來報君侯君侯不疾應與大將軍同心猶與無 敞夫人遠從東廂謂敞曰此國大事令大將軍議已定 縛嘉繋獄光安世既定議乃使田延年報丞相楊敬敬 千石大夫博士會議未央官光曰昌邑王行居亂恐危 光安世大驚以此益重經行士侍中傅嘉數進諫王亦

定

廷年前離席按劒曰先帝屬將軍以知孤寄將軍以 漢之傳臨常為孝者以長有天下令宗廟血食也如漢 家絕祀將軍雖死何面目見先帝於地下乎今日之 社稷如何羣臣皆驚鄂失色莫敢發言但唯唯而已 不得旋踵犀臣後應者臣請劔斬之光謝曰九卿責光 也天下匈匈不安光當受難於是議者皆叩頭曰萬 以將軍忠賢能安劉氏也令羣下鼎沸社稷將

姓之命在於將軍唯大將軍令光即與犀臣俱見白上

通鑑紀事本末

邑羣臣王曰徐之何乃驚人如是光使盡驅出目邑羣 輦欲歸溫室中黃門宦者各持門扇王入門閉目邑屋 臣不得入王曰何為大將軍跪曰有皇太后詔毋內昌 人皆送廷尉詔獄令故昭帝侍中中臣侍守王光勃 臣置金馬門外車騎將軍安世將羽林騎收縛二百餘 央承明殿詔諸禁門母内昌邑羣臣王入朝太后還垂 后具陳昌邑王不可以承宗廟狀皇太后乃車駕幸 謹宿衛卒有物故自裁令我負天下有殺主名王尚

上不素食使從官略女子載衣車內所居傳舍始至詞 遣使徵目邑王典喪服斬衰無悲哀之心廢禮誼居道 丞相臣敞等昧死言皇太后陛下孝昭皇帝早棄天下 得罪而召我哉太后被珠襦盛服坐武帳中侍御數百 盡擊之乎項之有太后詔召王王聞召意恐乃曰我安 未自知當廢謂左右我故羣臣從官安得罪而大將軍 目邑王伏前聽詔光與犀臣連名奏王尚書令讀奏曰 人皆持兵期門武士陸戟陳列殿下羣臣以次上殿召 通鑑記事本点

行前就次發運不封從官更持節引內昌邑從官聯宰 見立為皇太子常私買雞豚以食受皇帝信璽行璽大 基四

官奴二百餘人常與居禁闥內敖戲為書曰皇帝問侍 君卿使中御府令高昌奉黄金千斤賜君御取十妻

大行在前殿發樂府樂器引內昌邑樂人擊鼓歌吹作 倡召内泰壹宗廟樂人悉奏衆樂駕法駕驅馳北宫

极庭中與孝昭皇帝官人蒙等淫亂詔掖庭令敢泄言

桂宫弄蟲關虎召皇太后御小馬車使官奴騎乗遊戲

書令復讀曰取諸侯王列侯二千石綬及墨綬黃綬以 受璽以來二十七日使者旁午持節詔諸官署徵發凡 賜所與遊戲者與從官官奴夜飲港污於酒獨夜設九 使使者持節以三太牢祠目邑哀王園廟稱嗣子皇帝 要斬太后口止為人臣子當悖亂如是邪王離席伏尚 **賈温室延見姊夫昌邑關內侯祖宗廟祠未舉為璽書** 佩昌邑郎官者免奴發御府金錢刀剱玉器采總賞

一千一百二十七事荒淫迷惑失帝王禮誼亂漢制度

通鐵紀事本卡

TO ALL ALL OF THE COLOR

臣敞等謹與博士議皆曰今陛下嗣孝昭皇帝後行淫 臣敞等數進諫不變更日以益甚恐危社稷天下不安 |受詔王曰聞天子有爭臣七人雖亡道不失天下光 君陛下不可以承天序奉祖宗廟子萬姓當察臣請有 皇太后詔廢安得稱天子乃即持其手解脱其璽組 司以一太牢具告祠高廟皇太后詔曰可光令王起拜 天王出居于鄭由不孝出之絕之於天下也宗廟重於 不軌五辟之屬莫大不孝周襄王不能事母春秋日

謝曰王行自絕於天臣寧負王不敢負社稷願王自愛 戆不任漢事 起就乗興副車大將軍光送至 目色 形光 上太后扶王下殿出金馬門羣臣隨送王西面拜曰愚 賀昌邑賜湯沐邑二千户故王家財物皆與賀及哀王 女四人各賜湯沐邑千户國除為山陽郡昌邑羣臣坐 臣長不復左右光涕泣而去摩臣奏言古者廢放之人 屏於遠方不及以政請徙王賀漢中房陵縣太后詔歸

在國時不舉奏上罪過令漢朝不聞知又不能輔道陷

以三百五篇諫是以無諫書使者以聞亦得減死論霍 朝夕授王至於忠臣孝子之篇未嘗不為王反復誦之 使者責問曰師何以無諫書式對曰臣以詩三百五篇 也至於危亡失道之君未嘗不流涕為王深陳之也臣 用尚書授太后遷勝長信少府賜爵關內侯 王大惡皆下獄誅殺二百餘人唯中尉吉郎中令遂以 !直數諫正得減死髡為城旦師王式繋獄當死治事 以庫臣奏事東官大后省政宜知經術白令夏侯勝

子納魯國史良娣生子進號史皇孫皇孫納涿郡王夫 歲不決武帝疾往來長楊五作宮望氣者言長安獄中 郭徵仰令乳養曾孫置閒燥處古日再省視巫鹽事連 人生子病已號皇曾孫皇自孫生數月遭巫豐事太子 無事實重哀皇自孫無辜擇謹厚女徒渭城胡組准陽 即獄故廷尉監督國丙吉受詔治巫蠱獄吉心知太子 一女及諸妻妾皆遇害獨皇曾孫在亦坐收縣郡

有天子氣於是武帝遣使者分條中都官詔獄繫者無

通纖紀事本末

曾孫乎相守至天明不得入穰還以聞因劾奏吉武帝 尹遣與胡組俱送京兆尹不受復還及組日滿當去皇 既而吉謂守丞誰如皇孫不當在官使誰如移書京兆 拒使者不納日皇曽孫在他人無辜死者猶不可況親 組去後少内嗇夫白吉曰食皇孫無詔令時吉得食 孫思慕吉以私錢雇組令留與郭徵卿並養數月乃遣 亦寤曰天使之也因赦天下郡邸獄繁者獨頼吉得生 切皆殺之內謁者令郭穰夜到郡邸獄吉閉

內月月以給皇曹孫曾孫病幾不全者數焉吉數 根保 之自養視焉後有詔掖庭養視上屬籍宗正時掖庭令 君及兄恭乃載皇曾孫以付之貞君年老見孫孤甚京 養乳母加致醫藥視遇甚有思惠古聞史良娣有母貞 供給教書既壯賀欲以女孫妻之是時昭帝始冠長八 張賀當事戾太子思顧信恩哀曾孫奉養甚謹以私錢 尺二寸賀弟安世為右將軍輔政聞賀稱譽皇曾孫欲

妻以女怒日自孫乃衛太子後也幸得以庶人衣食縣

東巴日華 ·

官足矣勿復言子女事於是賀止時暴室嗇夫許廣漢 鬬雞走馬以是具知問里姦邪吏治得失數上下諸陵 遂與曾孫賀以家財聘之自孫因依倚廣漢兄弟及祖 侯可妻也廣漢許諾明日嫗聞之怒廣漢重令人為介 周徧三輔嘗困於蓮勺鹵中尤樂杜郭之閒率常在下 母家史氏受詩於東海復中翁高材好學然亦喜游俠 杜時會朝請舍長安尚冠里及昌邑王廢霍光與張安 有女賀乃置酒請廣漢酒酣為言曽孫體近下乃關內

今十八九矣通經術有美材行安而節和願將軍詳上 名病已在掖庭外家者吉前使居郡邸時見其幼少至 復以大誼廢之天下莫不服焉方今社稷宗廟羣生之 憂懼欲亟聞嗣主發喪之日以大該立後所立非其人 在列位者未有所聞於民間也而遺詔所養武帝曾孫 命在將軍之壹舉寫伏聽於衆庶察其所言諸侯宗室 帝受襁褓之屬任天下之寄孝昭皇帝早崩亡嗣海内

飲定四庫全書

通鑑紀事本末

世諸大臣議所立未定丙吉奏記光曰將軍事孝武皇

詩論語孝經躬行節儉慈仁愛人可以嗣孝昭皇帝後 世立焉秋七月光坐庭中會丞相以下議定所立遂復 後決定大策天下幸甚杜延年亦知自孫德美勸光安 義孝以着龜豈宜聚顯先使入侍令天下昭然知之然 迎曾孫就齊宗正府庚申入未央官見皇太后封為陽 宗正德至曾孫家尚冠里洗沐賜御衣太僕以斡獵車 奉承祖宗廟子萬姓臣昧死以聞皇太后詔曰可光遣 與丞相敞等上奏日孝武皇帝曾孫病已年十八師受

霍光以后父廣漢刑人不宜君國歲餘乃封為昌成君 使仔是時霍將軍有小女與皇太后親公鄉議更立皇 漢女適皇曾孫一歲生子奭數月曾孫立為帝許氏為 臣知指白立許便仔為皇后十一月壬子立皇后許氏 后暗心擬霍將軍女亦未有言上乃詔求微時故劍大 無人臣禮不道奏雖寢然朝廷肅然敬憚之 於足可事 全書一 為太皇太后侍御史嚴延年劾奏大將軍光擅廢立主 通鑑紀事本末

武侯已而羣臣奏上璽緩即皇帝位謁高廟尊皇太后

益封萬七千戸與故所食凡二萬戸車騎將軍富平侯 宣帝本始元年春詔有司論定策安宗廟功大將軍 安世以下益封者十人封侯者五人賜爵閼内侯八 中黨親連體根據於朝廷及昌邑王廢光權益重每朝見 弟山奉車都尉侍中領胡越兵光兩女壻為東西官衛 然後奏御自昭帝時光子禹及兄孫雲皆為中郎將雲 尉昆弟諸壻外孫皆奉朝請為諸曹大夫騎都尉給事 大將軍光稽首歸政上謙遜不受諸事皆先關白光

三年春正月癸亥恭哀許皇后崩時霍光夫人顯欲貴 虚已飲容禮下之已甚

氏所愛當入官侍皇后疾行夫賞為掖庭戸衛謂行可 其小女成君道無從會許后當娘病女醫淳于行者霍

>幹霍夫人行為我求安池監行如言報顯顯因生心

乎行曰夫人所言何等不可者顯曰將軍素愛小女成 辟左右字謂衍曰少夫幸報我以事我亦欲報少夫可

君欲市貴之願以累少夫行曰何謂邪顯曰婦人免乳

灾 足 日 華 全 書

通觸紀事本木

**捧附子齎入長定官皇后免身後行取附子并合太醫** 大故十死一生今皇后當免身可因投毒藥去也成君 治當先嘗安可顯曰在少夫為之耳將軍領天下誰敢 即為皇后矣如蒙力事成富貴與少夫共之行曰樂雜 言者緩急相護但恐少夫無意耳行良久曰願盡力即 行後人有上書告諸醫侍疾無狀者皆收繫詔獄劾不 曰無有遂加煩懣崩衍出過見顯相勞問亦未敢重謝 大九以飲皇后有項曰我頭冷冷也藥中得無有毒對

地節二年春霍光病篤車駕自臨問上為之涕泣光上 賜官屬以千萬計與許后時縣絕矣 書謝恩願分國邑三千户以封兄孫奉車都尉山為列 因勸光内其女入宫 四年春三月乙卯立霍光女為皇后舉駕侍從益盛賞

行光大驚欲自發舉不忍猶與會奏上光署行勿論顯

顯恐急即以狀具語光因曰既失計為之無令吏急

侯奉兄去病祀即日拜光子禹為右將軍三月庚午光

通點紀事本末

AN DIE AL ALIO IN

一首如來與制度益口宣成侯發三河卒穿復土置園已 安世為大將軍毋令領光禄熟事以其子延壽為光禄 明功臣以填藩國毋空大位以塞爭權宜以車騎將軍 所與御史大夫魏相上封事曰國家新失大將軍宜顯 三百家長丞奉守下詔復其後世疇其爵邑世世無有 薨上及皇太后親臨光喪中二千石治冢賜梓宫葬具

軍領尚書事

上思報大將軍德乃封光兄孫山為樂

勲上亦欲用之夏四月戊申以安世為大司馬車騎將

其一副領尚書者先發副封所言不善屏去不奏相復 驕奢放縱恐寖不削宜有以損奪其權破散陰謀以固 萬世之基全功臣之世又故事諸上書者皆為二封署 兵官光夫人顯及諸女皆通籍長信官或夜詔門出入 死子復為右將軍兄子東樞機昆弟諸壻據權勢在

飲定四庫全書

· 通纖紀事本表

專權皆為亂國家自後元以來禄去王室政由家宰今

奏封事言春秋譏世伽惡宋三世為大夫及魯季孫之

平侯使以奉車都尉領尚書事魏相因昌成君許廣漢

因許伯白去副封以防壅蔽帝善之詔相給事中皆從 中大夫疏廣為少傳封太子外祖父許廣漢為平恩侯 三年夏四月戊申立子乘為皇太子以丙吉為太傅太

惠不食歐血曰此乃民間時子安得立即后有子反為

又封霍光兄孫中郎將雲為冠陽侯霍顯聞立太子怒

王邪復教皇后令毒太子皇后數召太子賜食保阿軟先

嘗之后挾毒不得行 霍氏驕侈縱橫太夫人顯廣治

聞知霍氏尊盛日久內不能善既躬親朝政御史大夫 從賓客張圍獵黃山苑中使倉頭奴上朝謁莫敢譴者 大夫給事中他人宣問女能復自救邪後兩家奴爭道 魏相給事中顯謂禹雲山女曹不務奉大將軍餘業令 顯及諸女晝夜出入長信官殿中亡期度帝自在民間 飲定四庫全書 美国二 事本末

第室作乘與輦加畫繡烟馬黃金塗章絮篇輪侍婢以

繕治第宅走馬馳逐平樂館雲當朝請數稱病私出多

五米絲輓顯游戲第中與監奴馮子都亂而禹山亦並

霍氏奴入御史府欲躝大夫門御史為叩頭謝乃去人 恩侯與侍中金安上等徑出入省中時霍山領尚書上 諸吏中郎將羽林監任勝為安定太守數月復出光姊 度遼將軍未央衛尉平陵侯范明友為光禄勲出次壻 令吏民得奏封事不關尚書庫臣進見獨往來於是霍 壻給事中光禄大夫張朔為蜀郡太守羣孫壻中郎將 氏甚惡之上頗聞霍氏毒殺許后而未察乃徒光女壻 以謂霍氏顯等始知憂會大夫為丞相數無見言事平

尉光禄大夫将屯兵又收平騎都尉印綬諸領胡越 漢為少府戊戌更以張安世為衛將軍兩官衛尉城門 羽林及兩官衛將屯兵悉易以所親信許史子弟代之 兵官屬特使禹官名與光俱大司馬者又收范明友度 四年霍顯及禹山雲自見日侵削數相對啼泣自怨山 軍兵屬馬以霍禹為大司馬冠小冠亡印綬罷其 /將軍印綬但為光禄勲及光中女壻趙平為散騎都 通腦紀事本未

|漢為武威太守頃之復徙光長女壻長樂衛尉郊

書令出取之不關尚書益不信人又聞民問謹言霍氏 其言絕痛山屏不奏後上書者益點盡奏封事輒下中 言不避忌諱大將軍常讎之今陛下好與諸儒生語人 大將軍過失又諸儒生多事人子遠客飢寒喜妄說狂 毒殺許皇后寧有是邪顯恐急即具以實告禹山雲禹 人自書對事多言我家者當有上書言我家見弟驕恣 曰今丞相用事縣官信之盡變易大將軍時法令發揚 山雲驚日如是何不早告禹等縣官離散斥逐諸壻用

定匹庫全書

卷四上

竟也然惡端已見久之猶發發即族矣不如先也遂令 李竟所善張赦見雲家卒卒謂竟曰令丞相與平恩侯 交通解語及霍氏有詔雲山不宜宿衛免就第山陽大 諸女各歸報其夫皆曰安所相避會李竟坐與諸侯王 後有詔止勿捕山等愈恐相謂曰此縣官重太后故不 是故也此大事誅罰不小奈何於是始有邪謀矣雲舅 后耳長安男子張章告之事下廷尉執金吾捕張赦等 用事可令太夫人言太后先誅此兩人移徙陛下在太

通鑑記事本大

最甚乃者大將軍決大計安宗廟定天下功亦不細矣 於晉田完有功於齊皆疇其庸延及子孫終後田氏篡 方其隆盛時感動天地侵迫陰陽朝臣宜有明言曰陸 守張敞上封事曰臣聞公子季灰有功於魯趙衰有功 夫周公七年耳而大將軍二十歳海内之命斷於掌握 齊趙氏分晉季氏額魯故仲尼作春秋迹盛衰幾世知 《威君臣之分不明请罷霍氏三侯旨就第及衛將 聚電故大將軍以報功德足矣問者輔臣 顓政貴戚

定四庫全書

卷四上

計然不召也禹山等家數有妖怪舉家憂愁山日丞相 張安世冝賜几杖歸休時存問召見以列侯為天午 必有畏懼之心夫近臣自危非完計也臣敬願於廣朝 朝廷不聞直聲而合明詔自親其文非策之待者也今 明詔以恩不聽羣臣以義固爭而後許之天下必以 白發其端直守遠郡其路無由唯陛下省察上甚善 两侯已出人情不相遠以臣心度之大司馬及其枝屬 下為不忘功德而朝臣為知禮霍氏世世無所患苦今 通腦紀事本末

霍氏相連坐誅滅者數十家太僕杜延年以霍氏篟人 殺顯禹廣漢等捕得禹要斬顯及諸女昆第皆棄市與 |之因廢天子而立禹約定未發雲拜為玄苑太守太中 大大任宣為代郡太守會事發覺秋七月雲山明友自 擅減宗廟羔苑盡可以此罪也謀令太后為博平君置 酒召丞相平恩侯以下使范明友鄧廣漢承太后制引斬 亦坐免官八月已酉皇后霍氏廢處昭臺宫已及詔封 定匹庫全書 |

告霍氏反謀者男子張章期門董忠左曹楊惲侍中金

公亡夫奢則不遜不遜必侮上侮上者逆道也在人之 厚之宜以時抑制無使至亡書三上軸報聞其後霍氏 右衆必害之霍氏秉權日久害之者多矣天下害之而 弟子高史良娣兄子也初霍氏奢侈茂陵徐生曰霍氏 誅滅而告霍氏者皆封人為徐生上書曰臣聞客有過 又行以逆道不亡何待乃上疏言霍氏太盛陛下即必 安上史高皆為列侯惲丞相敞子安上車騎將軍日磾

主人者見其電直突傍有積薪客謂主人更為曲突遠

| 賓曲突徙新無恩澤熊頭爛額為上客那主人乃語而 請之今茂陵徐福數上書言霍氏且有變宜防絕之鄉 者在於上行餘各以功次坐而不録言曲突者人謂主 鄰里共救之幸而得息於是殺牛置酒謝其鄰人灼爛 徒其新不者且有火患主人嘿然不應俄而家果失火 敗往事既已而福獨不蒙其功唯陛下察之貴徒新曲 使福說得行則國無裂土出爵之費臣無逆亂誅滅之 人曰鄉使聽客之言不費牛酒終亡火患今論功而請

芒刺在背後車騎將軍張安世代光縣乗天子從容肆 理陰妻邪謀立女為后港消盈溢之欲以增顛覆之禍 日霍光受襁褓之託任漢室之寄匡國家安社稷據 **昭立宣雖周公阿衛何以加比然光不學亡術閣於大** 萌於驂垂後十二歲霍后復從雲林館乃自殺 體甚安近馬及光身死而宗族竟誅故俗傳霍氏之禍 郎帝初立謁見高廟大將軍光縣垂上內嚴憚之若有 一突之策使居焦髮灼爛之右上乃賜福帛十匹後以為

臣光曰霍光之輔漢室可謂忠矣然卒不能庇其宗何 死財三年宗族誅夷哀哉

四月全書

を 凹上

已夫威福者人君之器也人臣執之久而不歸鮮不及

矣以孝昭之明十四而知上官桀之許固可以親政矣

况孝宣十九即位聰明剛毅知民疾苦而光久專大 不知避去多置親黨充塞朝廷使人主蓄情於上吏民

孫以驕侈趣之哉雖然鄉使孝宣專以禄秩賞賜富甘 槓怨於下切齒側目待時而發其得免於身幸矣况子

漢宣帝元康四年 **勲不可不祀遂使家無噍類孝宣亦少恩哉** 趙充國破羌 初武帝開河西四郡隔絕羌與勾

後何以勸善夫以顯禹雲山之罪雖應夷滅而光之忠

椒作亂於楚莊王滅其族而赦箴尹克黄以為子文無

**祁謀豈徒霍光之自禍哉亦孝宣醖釀以成之也昔關** 

以政授之以兵及事叢爨積更加裁奪遂至怨懼以生

孫使之食大縣奉朝請亦足以報盛德矣乃復任

既而先零與諸羌種豪二百餘人解仇交質盟詛上聞 使不敬是後羌人旁緣前言抵冒度湟水郡縣不能禁 奴相通之路斥逐諸差不使居湟中地及帝即位光禄 合約攻令居與漢相拒五六年乃定匈奴數誇羌人欲 民所不田處畜牧安國以開後將軍趙充國劾安國奉 大夫義渠安國使行諸羌先零豪言願時度湟水北逐 以問趙充國對曰羌人所以易制者以其種自有豪 相攻擊勢不一也往三十餘歲西羌反時亦先解

安國行視諸羌分別善惡 視諸羌毋今解仇以發覺其謀於是両府復白遣義渠 匈奴籍兵欲擊鄯善燉煌以絕漢道充國以為狼何勃 疑其更遣使至羌中與相結臣恐羌變未止此且復結 與之共擊張掖酒泉地使羌居之間者匈奴困於西方 作約到秋馬肥變必起矣宜遣使者行邊兵豫為備敕 不能獨造此計疑匈奴使已至羌中先零罕开乃解仇 聯他種宜及未然為之備後月餘羌侯狼何果遣使至

וווו חושה על וחיי כי נית

通鍋紀事本末

是諸降差及歸義差侯楊王等恐怒無所信鄉遂劫略 神爵元年三月義渠安國至差中召先零諸豪三十餘 引還至令居以聞時趙充國年七十餘上老之使丙吉 千屯備羌至浩雪為虜所擊失亡車重兵器甚聚安國 小種背畔犯塞攻城邑殺長吏安國以騎都尉將騎三 人以尤無點者皆斬之縱兵擊其種人斬首千餘級於

將軍度差屬何如當用幾人充國曰百聞不如一見兵

問誰可將者充國對曰無踰於老臣者矣上遣問焉曰

驍騎難制又恐其為誘兵也擊虜以殄滅為期小利不 足貪令軍勿擊遣騎候四望限中無虜夜引兵上至落 三校街枚先渡渡縣管陳會明畢遂以次盡渡虜數十 發兵指金城夏四月遣充國將之以擊西羌 六月趙 百騎來出入軍傍充國曰吾士馬新倦不可馳逐此旨 充國至金城須兵滿萬騎欲渡河恐為虜所應即夜遣

滅亡不久願陛下以屬老臣勿以為憂上笑曰諾乃大

**難遥度臣願馳至金城圖上方略羌戎小夷逆天背畔** 

都召諸校司馬謂曰吾知悉虜不能為兵矣使虜發數 挑戰充國堅守捕得生口言羌豪相數責曰語汝無反 後戰遂西至西部都尉府日餐軍士士皆欲為用虜數 務行公為戰備止必堅管壁尤能持重愛士卒先計而 今天子遣趙將軍來年八九十矣善為兵令請欲壹關 (零欲反後數日果反雕庫種人頗在先零中都尉 死可得邪初罕开豪靡當兒使弟雕庫來告都尉 人守杜四望愜中兵宣得入哉充國常以遠斥候為

定四月全建

**虜朝夕為冠土地寒苦漢馬不耐冬不如以七月上旬** 空虚勢不可久若至秋冬乃進兵此虜在境外之冊今 萬人矣酒泉太守辛武賢奏言郡兵皆屯備南山北邊 物盡與之充國計欲以威信招降平开及劫略者解散 罪者明白自别母取并滅天子告諸差人犯法者能相 捕斬除罪仍以功大小賜錢有差又以其所捕妻子財 留雕庫為質充國以為無罪乃遣歸告種豪大兵誅有 **屬謀徼其疲劇乃擊之時上已發內郡兵屯邊者合六** 

危之憂為夷狄笑千載不可復而武賢以為可奪其畜 之大兵仍出虜必震壞天子下其書充國令議之充國 雖不能盡誅但奪其畜産屬其妻子復引兵還冬復擊 齊三十日糧分兵出張掖酒泉合擊罕开在鮮水上者 欽定四庫全書 山林隨而深入虜即據前險守後阨以絕糧道必有傷 以為一馬自負三十日食為米二斛四丰麥八斛又有 產虜其妻子此殆空言非至計也先零首為畔逆它種 衣裝兵器難以追逐虜必商軍進退稍引去逐水草入

書敕讓充國曰今轉輸並起百姓煩擾將軍將萬餘之 眾不早及秋共水草之利爭其畜食欲至冬虜皆當畜 即拜酒泉太守武賢為破羌將軍賜璽書嘉納其冊以 零之誅以震動之宜悔過反善因赦其罪選擇良吏知 劫略故臣愚冊欲捐罕开閣昧之過隱而勿章先行先 其俗者拊循和輯此全師保勝安邊之冊天子下其書 开則先零未可圖也上乃拜侍中許延壽為僵努將軍 公卿議者咸以為先零兵威而負罕开之助不先破罕

將軍不念中國之費欲以歲數而勝敵將軍谁不樂此 早釋有罪誅無辜起壹難就两害誠非陛下本計也臣! 者合詔破羌將軍武賢等將兵以七月擊罕羌將軍 雕庫宣天子至德罕开之屬皆聞知明詔今先零羌楊 食多藏居山中依險阻將軍士寒手足敏疾寧有利哉 玉阻石山木候便為冠罕羌未有所犯乃置先零先擊 人諭罕以大軍當至漢不誅罕以解其謀臣故遣开豪 ,兵並進勿復有疑充國上書曰陛下前幸賜書欲使

零必助之今虜馬肥糧食方饒擊之恐不能傷害通使 結約然其私心不能無恐漢兵至而罕开背之也臣愚 以為其計常欲先赴罕开之急以堅其約先擊罕羌先 道臣愚以為不便先零羌虜欲為背畔故與罕开解仇 坐得致敵之術以逸擊勞取勝之道也今恐二郡兵少 今罕羌欲為燉煌酒泉冤宜的兵馬練戰士以須其至 不足以守而發之行攻釋致虜之街而從為虜所致之

通鑑紀事本未

聞兵法攻不足者守有餘又曰善戰者致人不致於人

十年數不二三歲而已於臣之計先誅先零已則罕开 離也如是屬兵沒多珠之用力數倍臣恐國家憂累 之得計之理又其時也以今進兵誠不見其利戊申充 先零得施德於早羌堅其約合其黨屬交堅黨合精兵 國上奏秋七月甲寅璽書報從充國計焉充國乃引兵 至先零在所屬久屯聚懈弛望見大軍棄車重欲度湟 之屬不煩兵而服矣先零已誅而罕开不服涉正月擊 一萬餘人追看諸小種附著者稍衆莫須之屬不輕得 

充國日諸君但欲便文自管非為公家忠計也語未卒 食遣還諭種人護軍以下皆爭之曰此反虜不可證遣 願得還復故地充國以間未報靡忘來自歸充國賜飲 善廣赴水溺死者數百降及斬首五百餘人虜馬牛羊 **十萬餘頭車四千餘两兵至罕地令軍毋燔聚落芻牧** 田中罕羌聞之喜曰漢果不擊我矣豪靡忘使人來言 通鑑紀事本末

冠不可迫也緩之則走不顧急之則還致死諸校皆曰

水道阨陋充國徐行驅之或曰逐利行遲充國曰此窮

之不忠也本用吾言差慮得至是邪往者舉可先行差 諫充國曰誠今兵出破軍殺將以傾國家將軍守之可 殭努將軍指也所以十二月與充國合進擊先零時差 軍將軍之身不能自保何國家之安充國數曰是何言 也即利與病又何足爭一旦不合上意遣繡衣來責將 敞作奏未上會得進兵聖書充國子中郎將印懼使客 降者萬餘人矣充國度其必壞欲罷騎兵屯田以待其 璽書報令靡忘以贖論後罕竟不煩兵而下上詔破美! 卷四上

者吾舉辛武賢丞相御史復白遣義渠安國竟沮敗善 明主可為忠言遂上屯田奏曰臣所將吏士馬牛食所 起雖有知者不能善其後是獨足爱邪吾固以死守之 再使且費其半失此二冊差人致敢為逆失之豪釐差 金城湟中穀斛八錢吾謂耿中丞雜三百萬斛榖羗人 以千里是既然矣今兵久不決四夷卒有動搖相因而 不敢動矣耿中丞請雞百萬斛乃得四十萬斛耳義渠 糧殼炎藥調度甚廣難久不解徭役不息恐生它變

飲定日事全書 一

通鐵紀事本末

罷騎兵留步兵萬二百八十一人分屯要害處氷解漕 為明主憂誠非素定廟勝之冊且差易以計破難用兵 壞敗者臣前部士入山伐材木六萬餘枚在水次臣願 **虜故田及公田民所未墾可二千項以上其間郵亭多** 水左右田事出賦人二十晦至四月草生發郡騎及屬 碎也故臣愚心以為擊之不便計度臨羌東至浩顫羌 胡騎各千就草為田者遊兵以充入金城郡益積 鄉亭浚溝渠治湟陿以西道橋七十所令可至

善者也故先為不可勝以待敵之可勝蠻夷習俗雖 兵當何時得決孰計其便復奏充國上狀曰臣聞帝 而明主班師罷兵萬人留田順天時因地利以待可 之兵以全取勝是以貴謀而賤戰百戰而百勝非善之 田處及器用簿上報曰即如將軍之計虜當何時作 **屬亡其美地薦草愁於寄託遠遯骨肉心離人有毗** ?禮義之國然其欲避害就利愛親戚畏死亡一也 费令大司農所轉穀至者足支萬人一歲食謹

定日車全書一

通錫紀事左未

之漸二也居民得並田作不失農業三也軍馬一月之 萬人留屯以為武備因田致殼威德並行一也又因排 具也臣謹條不出兵留田便宜十二事步兵九校吏士 之屬雖未即伏辜兵決可春月而望羌虜瓦解前後降 食度支田士一歲罷騎兵以省大費四也至春省甲士 折差屬令不得歸肥饒之地貧破其眾以成差屬相 有萬七百餘人及受言去者凡七十輩此坐支解差虜之 循河湟漕穀至臨羌以示羌虜揚威武傅世折衝

屯田得十二便出兵失十二利唯明詔采擇上復賜 **陿中道橋令可至鮮水以制西域伸威千里從枕席 執九也又亡驚動河南大开使生它變之憂十也治湟** 死傷之害八也內不損威武之重外不令虜得乗問之 巴日華 白書 **師十一也大費既省繇後豫息以飛不虞十二也留** 

霜露疾疫疼質之患坐得公勝之道七也無經阻遠追

也兵出乗危徼幸不出令反畔之慮竄於風寒之地離

具五也以閒暇時下先所伐材繕治郵亭充入金城六

通鑑紀事本末

殺略人民將何以止之將軍孰計復奏充國奏曰臣聞 破壞可日月龔遠在來春故曰兵决可期月而望寫見 兵以計為本故多等勝少等先零差精兵令餘不過七 曰兵決可期月而望者謂今冬邪謂何時也將軍獨 八千人失地遠客分散飢凍畔還者不絕臣愚以為虜 一數千人虜數以大衆攻之而不能害今騎兵雖罷虜 邊自燉煌至遼東萬一千五百餘里來塞列地有吏 **唐聞兵頗罷且丁壯相聚攻擾田者及道上屯兵復** 

誠令兵出雖不能滅先零但能令虜絕不為小冠則出 見利空內自罷敝貶重而自損非所以示蠻夷也又大 累重還歸故地是臣之愚計所以度虜且必瓦解其處 指其妻子於它種中遠涉河山而來為冠亦不敢將其 兵可也即今同是而釋坐勝之道從乗危之執往終不 不戰而自破之冊也至於虜小冦盜時殺人民其原未 見屯田之士精兵萬人從令盡三月虜馬羸瘦必不敢 可卒禁臣聞戰不必勝不苟接刃攻不必取不苟勞衆

And the state of t

通鑑紀事本末

任其計可必用也上於是報充國嘉納之亦以破羌彊 也臣愚以為不便臣竊自惟念奉詔出塞引軍遠擊 曰臣愚不習兵事利害後將軍數畫軍冊其言常是臣 天子之精兵散車甲於山野雖亡尺寸之功喻得避 什五最後什八有詔詩前言不便者皆頓首服魏 也充國奏每上朝下公鄉議臣初是充國計者什 便而亡後咎餘責此人臣不忠之利非明主社稷之 出還不可復留湟中亦未可空如是徭役復更發 卷四上

弩將軍數言當擊於是兩從其計詔兩將軍與中郎將 詔罷兵獨充國留屯田 千人定計遺脫與煎單黃羝俱亡者不過四千人是靡 千六百級降者三萬一千二百人滔河湟饑餓死者五六 印斬首降者亦二千餘級而充國所降復得五千餘人 卬岀擊殭弩岀降四千餘人破差斬首二千級中郎將 二年夏五月趙充國奏言差本可五萬人軍凡斬首七

忘等自能必得請罷屯兵奏可充國振旅而還所善治

通鑑紀事本末

服矣將軍即見宜歸功於二將軍出擊非愚臣所及如 降虜以破壞然有識者以為虜執窮困兵雖不出必自 卒以其意對上然其計罷遣辛武賢歸酒泉太守官充 此將軍計未失也充國曰吾年老矣爵位已極豈媽伐 星賜迎說充國曰衆人皆以破养彊弩出擊多斬首生 國復為後將軍秋羌若零離留且種兒庫共斬先零上 以餘命壹為陛下明言兵之利害卒死誰當復言之者 時事以欺明主哉兵執國之大事當為後法老臣不


四月五言

长四上

差人反畔卒如充國之言辛武賢深恨充國上書告中 詔更用臨衆後臨衆病免五府復舉湯湯數醉酌差人 湯使酒不可典蠻夷不如湯兄臨衆時湯已拜受節有 黄羝之屬四千餘人降漢封若零弟澤二人為帥衆王 校尉者時充國病四府舉辛武賢小弟湯充國處起奏 餘皆為侯為君初置金城屬國以處降羌詔舉可護羌 豪猶非楊玉首及諸豪弟澤陽雕良兒靡忘旨即煎登

郎將印泄省中語下更自殺

題為犯事本夫





謄 録 監 生

臣

<u>+</u>

臣 張 能

臣

欽定四庫全書着要題無事本末卷四中

詳校官員外即臣楊世倫



能得孤鹿站單于有異母弟為左大都尉賢國人鄉 母關氏恐單于不立子而立左大都尉也乃私使殺之 欽定四庫全書管要卷八千六百九十八大部 飲足日東公告! 左大都尉同母兄怨遂不肯復會單于庭是歲單于病 通鑑紀事本末卷四中 文匈奴馬畜孕重憧贖罪極苦之常有欲和親意未 帝始元二年 匈奴歸漢 初武帝征伐匈奴深入窮追二十 通鑑紀事本末 宋 袁樞 撰

六年春二月童行鞮單于立母閼氏不正國內乖離常 龍城匈奴始衰 盧屠王告之單于使人驗問右谷蠡王不服反以其罪 罪盧屠王國人皆宽之於是二王去居其所不復肯會 衆欲南歸漢恐不能自致即脅盧屠王欲與西降烏孫 左谷桑亞為童行鞮單于左賢王右谷桑王怨望率其 且死謂諸貴人我子少不能治國立弟右谷蘇王及單 于死衛律等與嗣張闕氏謀匿其喪矯單于令更立子 卷四中 宏生得亦不肯降故匈奴歸此二人欲以通善意天 者前副光禄大夫王忠使西國為匈奴所遮忠戰死馬 言武等在某澤中使者大喜如惠語以讓單于單于視 蘇武等匈奴詭言武死後漢使復至匈奴常惠私見漢 使教使者謂單于言天子射上林中得雁足有係帛書 恐漢兵襲之於是衛律為單于謀與漢和親漢使至求 左右而驚謝漢使曰武等實在乃歸武及馬宏等馬宏

角艦紀事本末

常使左右風漢使者然其侵盜益希遇漢使愈厚欲以 漢兵追之斬首獲虜九千人生得風脫王漢無所失亡 南逐水草發人民屯甌脫 匈奴見甌脫王在漢恐以為道擊之即西北遠去不敢 令可度以備犇走欲求和親而恐漢不聽故不肯先言 漸致和親漢亦羈縻之 九鳳元年匈奴發左右部二萬騎為四隊並入邊為寇 二年匈奴復遣九千騎屯受降城以備漢北橋余吾水

庫全書

卷四中

族世役屬匈奴武帝擊破匈奴左地因徙烏桓於上谷 得脫者數百人屬國義渠王射殺犁汙王賜黃金二百 益弱出兵試擊其可復得其地時漢先得降者聞其計 斤馬二百匹因封為犁汙王自是後匈奴不敢入張 又日勒屋蘭番和張掖太守屬國都尉發兵擊大破 天子詔邊警備後無幾右賢王犁汙王四千騎分三隊 一年春正月匈奴單于使犁汙王窺邊言酒泉張掖 初胃頓破東胡東胡餘衆散保烏桓及鮮軍山為

通盗犯事本未

漁陽右北平遼東塞外為漢偵察匈奴動静置護烏桓 旁塞獵行攻塞外亭障略取吏民去是時漢邊郡溪火 先是匈奴三千餘騎入五原殺略數千人後數萬騎南 校尉監領之使不得與匈奴交通至是部衆漸疆逐反 烏桓霍光欲發兵邀擊之以問護軍都尉趙充國充國 降者言爲桓當發先單于冢匈奴怨之方發一萬騎擊 以為烏桓間數犯塞今匈奴擊之於漢便又匈奴希冠 候望精明匈奴為邊冠者少利布復犯塞漢復得匈奴

一金定四庫全書

长四中:

宣帝本始二年 昭帝時烏孫公主上書言匈奴與車師 餘級獲三王首匈奴由是恐不能復出兵 初光誡明友兵不空出即後匈奴遂擊烏桓烏桓時新 盗北邊幸無事蠻夷自相攻擊而發兵要之招冠生事 中匈奴兵明友既後匈奴因乘烏桓敝擊之斬首六千 非計也光更問中郎將范明友明友言可擊於是拜明 友為度遼將軍將二萬騎出遼東匈奴聞漢兵至引去

共侵局孫唯天子幸救之漢養士馬議擊匈奴會昭帝

通鑑紀事本末

扇上遣光禄大夫常惠使烏孫烏孫公主及比彌旨遣 漢亦欲討之秋大發兵遣御史大夫田廣明為祁連 匈奴唯天子出兵以救公主民彌先是匈奴數侵漢邊 持公主來欲隔絕漢昆彌願發國精兵五萬騎盡力擊 使上書言匈奴復連發大兵侵擊烏孫使使謂烏孫趣 軍四萬餘騎出西河度遼將軍范明友三萬餘騎出張 **极前將軍韓增三萬餘騎出雲中後將軍趙充國為蒲** 

類將軍三萬餘騎出酒泉雲中太守田順為虎牙將軍

百餘級前將軍出塞千二百餘里至鳥員斬首捕虜百 度遼將軍出塞千二百餘里至浦離候水斬首捕 弱犇走歐畜産遠遁逃是以五將少所得夏五月軍罷 **尉持節護烏孫兵共擊匈奴** 三年春正月戊辰五將軍發長安匈奴間漢兵大出老 |萬餘騎出五原期以出塞各二千餘里以常惠為 清類將軍出塞千八百餘里西去候山斬首捕

得單于使者蒲陰王以下三百餘級聞虜已引去皆不

通鑑紀事本末

金金 等言雞扶山西有虜衆祁連即戒弘使言無屬欲還兵 至期還天子薄其過寬而不罪祁連將軍出塞千六百 里至雞扶山斬首捕虜十九級逢漢使匈奴還者冉弘 定四庫全書 卷四中

首捕虜千九百餘級引兵還上以虎牙將軍不至期詐 御史屬公孫益壽東以為不可祁連不聽遂引兵還虎 牙將軍出塞八百餘里至丹餘吾水上即止兵不進斬

孫益壽為侍御史烏孫昆彌自將五萬騎與校尉常惠

單于自將數萬騎擊烏孫頗得老弱欲還會天大雨雪 遠移死亡不可勝數於是匈奴遂衰耗怨烏孫冬匈奴 |從西方入至右谷蠡王庭獲單于父行及嫂居次名王| 使克獲封惠為長羅侯然匈奴民衆傷而去者及畜産 犁汙都尉千長騎將以下四萬級馬牛羊 驢索 馳七十 餘萬頭鳥孫皆自取所虜獲上以五將皆無功獨惠奉 日深丈餘人民畜産凍死還者不能什一於是丁令

通緣紀事本末

關氏騎渠關氏父左大且渠怨望是時漢以匈奴不能 地節二年匈奴童行鞮單于死弟左賢王立為虚問權 畜産什五匈奴大虚弱諸國羈屬者旨瓦解攻盗不能 萬級馬數萬匹牛羊甚眾又重以餓死人民死者什三 為邊冠罷塞外諸城以休百姓單于聞之喜召貴人謀 渠單于以右大將女為大闕氏而點前單于所幸顓渠 人還匈奴終不敢取當滋欲鄉和親而邊境少事矣 理其後漢出三千餘騎為三道並入匈奴捕虜得數千 **定匹庫全書** 卷四中

是歲匈奴機人民畜産死什六七又發西屯各萬騎以 得虜各數十人而還時匈奴亡其三騎不敢入即引去 軍監治衆等四人將五千騎分三隊出塞各數百里捕 匈奴欲為冠於是天子詔發邊騎屯要害處使大將軍 將萬騎南旁塞獵相逢俱入行未到會三騎亡降漢言 後今亦效漢發兵先使使者入乃自請與呼盧訾王各 備漢其秋匈奴前所得西嗕居左地者其居長以下數 欲與漢和親左大且梁心害其事曰前漢使來兵隨其 通鍋紀事本末

千人哈驅畜産行與風脫戰所殺傷甚衆遂南降漢 鱼定四库全書 的帝時匈奴使四千騎田車師及五將軍擊匈奴 1を四中

欲以為質軍宿馬者外孫不欲質匈奴亡走馬者車師 車師田者驚去車師復通於漢匈奴怒召其太子軍宿 教匈奴遮漢道通烏孫者是歲侍郎會稽鄭古與校尉 王更立子烏貴為太子及烏貴立為王與匈奴結婚姻

司馬惠將免刑罪人田渠犂積穀發城郭諸國兵萬餘

人與所將田士干五百人共擊車師破之車師王請降

得之多田積穀公害人國不可不爭由是數遣兵擊車 妻子傳送長安匈奴更以車師王昆弟党莫為車師 即留一候與卒二十人留守王吉等引兵歸渠犂車 往田車師地以實之 收其餘民東徙不敢居故地而鄭吉始使吏卒三百人 王恐匈奴兵復至而見殺也與輕騎奔烏孫吉即迎其 九康二年匈奴大臣皆以為車師地肥美近匈奴使漢

通錫紀事本末

匈奴發兵攻車師吉惠引兵北逢之匈奴不敢前吉喜

弱出兵擊其右地使不敢復擾西域魏相上書諫曰臣 吉上言車師去渠犂千餘里漢兵在渠犂者少執不能 破恃國家之大斧民人之衆欲見威於敵者謂之騎兵 之忿兵兵忿者敗利人土地貨寶者謂之貧兵兵貪者 聞之救亂誅暴謂之義兵兵義者王敬加於已不得已 而起者謂之應兵兵應者勝爭恨小故不忍憤怒者謂 |救願益田卒上與後將軍趙充國等議欲因匈奴哀 田者鄭吉将渠犂田卒七千餘人救之為匈奴所圍

歃

定四庫全書

薄水旱不時按今年計子弟殺父兄妻殺夫者凡二百 恐災害之變因此以生今郡國守相多不實選風俗尤 民以其愁苦之氣傷陰陽之和也出兵雖勝猶有後憂 之實常恐不能自存難以動兵軍旅之後必有凶年言 此兵何名者也今邊郡困乏父子共大羊之聚食草菜 師不足致意中今聞諸將軍欲與兵入其地臣愚不知 善意所得漢民輒奉歸之未有犯於邊境雖爭屯田車 兵騎者滅此五者非但人事乃天道也問者匈奴當有

通獨記事本表

一 飲定四庫全書 故車師太子軍宿在焉者者立以為王盡徙車師國民 惠將張掖酒泉騎往車師迎鄭古及其吏士還渠犂召 二十二人臣愚以為此非小變也今左右不憂此乃欲 神爵二年九月匈奴虚間權渠單于將十餘萬騎旁 發兵報織介之忿於遠夷殆孔子所謂吾恐季孫之憂 護部善以西南道 令居渠犂遂以車師故地與匈奴以鄭吉為衛司馬使 不在每見而在蕭牆之內也上從相言止遣長羅侯常

王刑未央使人召諸王未至額渠闕氏與其弟左大且 與右賢王屠者堂私通右賢王會龍城而去顯渠關氏 于死虚問權渠單于始立而點韻渠閣氏韻渠閣氏即 騎屯緣邊九郡備虜月餘單于病歐血因不敢入還去 語以單于病甚且勿遠後數日單于死用事貴人郝宿 即罷兵乃使題王都鞏胡次等入漢清和親未報會單 以為言兵鹿奚盧侯而遣後將軍趙充國將兵四萬餘 題器犯事本长

獵欲入邊為冠未至會其民題除渠堂亡降漢言狀蓮

金定四庫全書 渠都隆竒謀立右賢王為握行朐鞮單于握行朐鞮單 歸妻父烏禪幕烏禪幕者本烏孫康居問小國數見侵 央等而任用都隆奇又盡免虚問權渠子弟近親而自 于者烏維單于耳孫也握行朐報單于立凶惡殺刑未 暴率其衆數千人降匈奴狐鹿姑單于以其弟子日逐 以其子弟代之虚問權渠單于子稽侯稱既不得立亡 王當為單于讓狐鹿姑單于狐鹿姑單于許立之國 王姊妻之使長其衆居右地日逐王先賢撣其父左賢

治烏壘城去陽關二千七百餘里匈奴益弱不敢爭西 威震西域遂并護車師以西北道故號都護都護之置 自吉始焉上封吉為安遠侯吉於是中西域而立莫府 將詣京師漢封日逐王為歸德侯吉既破車師降日逐 人小王将十二人隨吉至河曲頗有亡者吉追斬之遂

通錫紀事本未

于有隙即率其聚欲降漢使人至渠犂與騎都尉鄭吉

相聞吉發渠傘龜兹諸國五萬人迎日逐王口萬二千

以故煩言日逐王當為單于日逐王素與握行胸鞮單

與雜貴人共立故與雜王子為王與俱東徒單于造右 域僮僕都尉由此罷都護督察烏孫康居等三十六國 **悬其後左與鞬王死單于自立其小子為與鞬王留庭** 今班西域矣握行朐鞮單于更立其從兄簿胥堂為日 動静有變以開可安輯安輯之不可者誅伐之漢之號 三年匈奴單于又殺先賢揮兩弟烏禪幕請之不聽心

丞相將萬騎往擊之失亡數千人不勝

一 鱼 定 匹 庫 全 書 ]

貴人共立稽侯稱為呼韓邪單于發左地兵四五萬人 夕王頗得人民單于怒姑夕王恐即與烏禪慕及左地 握行朐鞮單于暴虐好殺伐國中不附及太子左賢王 助我乎右賢王曰若不爱人殺昆弟諸貴人各自死若 數議左地貴人左地貴人皆怨會烏桓擊匈奴東邊 兵敗走使人報其弟右賢王曰匈奴共攻我若肯發兵 子握行朐鞮單于至姑且水北未戰握行朐鞮單

四年五月匈奴單于遣弟呼留若王勝之來朝

歸庭數月罷兵使各歸故地乃收其兄呼屠吾斯在民 欽定四庫全書 亡之右賢王所其民衆盡降呼韓邪單于呼韓邪單于 處無來行我握行胸鞮單于惠自殺左大且渠都隆哥 其冬都隆奇與右賢王共立日逐王簿胥堂為屠者單 間者立為左谷蠡王使人告右賢貴人欲令殺右賢王 脊樓頭為右谷 蝨王留居單于庭 屠耆單于還以其長子都塗吾西為左谷蠡王少子站 于發兵數萬人東襲呼韓邪軍于呼韓邪軍于兵敗走

軍于屠者單于殺右賢王父子後知其免復殺唯韓當 方呼揭王來與唯犂當戶謀共讒右賢王言欲自立為 烏藉都尉各二萬騎屯東方以備呼韓邪單于是時西 五鳳元年秋匈奴屠者單于使先賢揮兄右與雜王與 户於是呼揭王恐遂畔去自立為呼揭單于右與難王 于凡五單于屠者單于自將兵東擊車犁單于使都隆 聞之即自立為車犂單于烏籍都尉亦自立為烏籍單

奇擊烏籍烏籍車車官敗西北走與呼揭單于兵合為

敗西北走屠者單于即引兵西南留關敦地漢議者多 備呼韓邪單于自將四萬騎西擊車率單于車幸單于 屠者單于聞之使左大將都尉將四萬騎分屯東方以 四萬人烏籍呼揭皆去單于號共并力尊輔車犁單于 諸侯前單于慕化鄉善稱弟遣使請求和親海內欣然 而還君子大其不伐丧以為恩足以服孝子誼足以動 夫蕭望之對日春秋晉士白師師侵齊聞齊侯卒引 日匈奴為害日久可因其壞亂舉兵滅之詔問御史大

一致定四庫全書

襲屠着單于屯兵殺器萬餘人屠者單于聞之即自將 盛也上從其議 中國之仁義如遂蒙思得復其位必稱臣服從此德之 乗亂而幸災也彼必犇走遠追不以義動兵恐勞而無 六萬騎擊呼韓那單于屠者單于兵敗自殺都隆奇乃 功宜遣使者弔問輔其微弱救其災患四夷聞之咸貴 二年秋八月匈奴呼韓邪單于遣其弟右谷蠡王等西

**尺已可重点点** 

通鑑紀事本末

夷狄莫不聞未終奉約不幸為賤臣所殺令而伐之是

降呼韓邪單于冬十一月呼韓邪單于左大將烏厲屈 軍于庭然衆裁數萬人屠者單于從弟休旬王自妄為 漢封烏厲屈為新城侯烏厲温敦為義陽侯是時李陵 與父呼邀累烏属温敦皆見匈奴亂率其衆數萬人降 與屠者少子右谷國王姑替樓頭亡歸漢車犂單于東 関振單于在西邊呼韓邪單于兄左賢王呼屠吾斯亦 子復立烏籍都尉為單于呼韓邪單于捕斬之遂復都 自立為郅支骨都侯單于在東邊

减戌卒什二 夏四月匈奴图振單于率其眾東擊 甘露元年 匈奴呼韓邪單于之敗也左但扶訾王為呼 兵敗走郅支都單于庭 支單于郅支與戰殺之并其兵遂進攻呼韓邪呼韓邪 四年春匈奴單于稱臣遣弟谷蠡王入侍以邊塞亡冠 三年六月置西河北地屬國以處匈奴降者

邪計勸令稱臣入朝事漢從漢求助如此匈奴乃定

**吽邪問諸大臣皆曰不可匈奴之俗本上氣力而下** 通鑑紀事本末

常長諸國漢雖彊猶不能兼并匈奴奈何亂先古之制 能取復雖屈禮於此未當一日安也令事漢則安存 復長百蠻左伊秩訾曰不然彊弱有時令漢方感鳥孫 服役以馬上戰關為國故有威名於百蠻戰死壯士所 城郭諸國皆為臣妾自且鞮侯單于以來匈奴日削不 臣事於漢甲辱先單于為諸國所矣雖如是而安何以 有也今兄弟爭國不在兄則在弟雖死猶有威名子孫 事則危亡計何以過此諸大臣相難久之呼韓邪從其

盾

生量

儀宜如諸侯王位次在下太子太傅蕭望之以為單于 京師而後諸夏先諸夏而後夷狄匈奴單于朝賀其 計引衆南近塞遣子右賢王銖婁渠堂入侍郅支單 朝三年正月招有司議其儀丞相御史曰聖王之制先 二年冬十二月匈奴呼韓邪單于疑五原塞願奉國珍 亦遣子右大將駒于利受入侍 一外夷稽首稱潘中國讓而不臣此則羈縻之誼謙亨 正朔所加故稱敵國宜待以不臣之禮位在諸侯王

通腦紀事本末

德不能 弘覆其以客禮待之令單于位在諸侯王上賛 後嗣卒有鳥竄鼠伏闕於朝享不為畔臣萬世之長策 自彼氏羌莫敢不來享莫敢不來王故要荒之君之 **褐稱臣而不名** 也天子采之下詔曰匈奴單于稱北蕃朝正朔朕之不 大一統於天下也戎狄道里遼遠人迹介絕故正朔 一定四庫全書 1 及禮教不加非尊之也其勢然也詩云告有成湯 也書曰戎狄荒服言其來服荒勿亡常如使匈奴 荀悦論日春秋之義王者無外 卷四

三年春正月匈奴呼韓邪單于來朝赞謁稱潘臣而不 天常非禮也若以權時之宜則異論矣 記遣車騎都 望之欲待以不臣之禮加之王公之上偕度失序以亂 名賜以冠帶衣裳黄金璽盭緩玉具剱佩刀弓一張 尉韓昌迎單于發所過七郡二十騎為陳道上 四發來戟十安車一乗鞍勒一具馬十五匹黄金二十

斤錢二十萬衣被七十七襲錦繡綺穀雜帛八千匹絮

通緣紀事本未

奉王貢若不貢職則有辭讓號令加馬非敵國之謂

賜單于觀以珍寶二月遣單于歸國單于自請願留居 六千斤禮畢使使者道單于先行宿長平上自甘泉宿 幕南光禄塞下有急保漢受降城漢遣長樂衛尉高昌 陳上登渭橋咸稱萬歲單于就即長安置酒建章官餐 得列觀及諸蠻夷君長王侯數萬成迎於渭橋下夾道 千數送單于出朔方雞鹿塞詔忠等留衛單于助誅不 侯董忠車騎都尉韓昌將騎萬六千又發邊郡士馬以 池陽宫上登長平阪詔單于母謁其左右當戶庫臣旨 卷四中

安世韓增趙充國魏相丙吉杜延年劉德梁丘賀蕭 唯霍光不名曰大司馬大將軍博陸侯姓霍氏其次張 之美乃圖畫其人於麒麟閣法其形貌署其官爵姓 呼韓邪單于朝漢後咸尊漢矣上以戎狄賔服思股 烏孫以西至安息諸國近匈奴者皆畏匈奴而輕漢及 明著中興輔佐列於方叔召虎仲山甫焉 之蘇武凡十一人皆有功德知名當世是以表而揚之 服又轉邊殼米精前後三萬四千斛給贍其食先是自

AT DE MET OF PETER (P. 1.)

通鑑紀事本末

四年冬十月匈奴呼韓邪郅支兩單于俱遣使朝獻漢 卷四中

黃龍元年春正月匈奴呼韓邪單于來朝二月歸國始 郅支單于以為呼韓那兵弱降漢不能復自還即引 待呼韓邪使有加馬 衆西欲攻定右地又屠者單于小弟本侍呼韓邪亦亡

之右地收两兄餘兵得數千人自立為伊利目單于道

兵穀助呼韓邪即遂留居右地自度力不能定匈奴乃 逢郅支合戰郅支殺之并其兵五萬餘人郅支聞漢出

衆困乏詔雲中五原郡轉穀二萬解以給之 五年匈奴郅支單于怨漢擁護呼韓邪而不助已困 九帝初元元年秋九月匈奴呼韓邪單于復上書言民

通鑑紀事本末

益西近烏孫欲與并力遣使見小昆彌烏就屠烏就屠

殺其使發八千騎迎郅支郅支覺其謀勒兵逢擊烏孫

破之因北擊烏揭堅昆丁令并三國數遣兵擊烏孫

勝之堅見東去單于庭七千里南去車師五千里郅支

軍于鄉化未醇所在絕遠宜令使者送其子至塞而還 子十年德澤甚厚空絕而不送近從塞還示棄捐不畜 古上書言中國與夷狄有羁縻不絕之義今既養全其 使無郷從之心棄前恩立後怨不便議者見前江乃始 馬谷吉送之御史大夫貢禹博士東海匡衡以為郅支 無應敵之數智勇俱困以致耻辱即豫為臣憂臣幸得 漢使者江乃始等遣使奉獻因求侍子漢議遣衛司

定匹庫全書!

**疆漢之節承明聖之詔宣諭厚恩不宜敢禁若懷禽** 

諸俞侯計以為匈奴大國烏孫素服屬之今郅支單于 獸心如無道於臣則單于長娶大罪必遁逃遠舍不敢 聞康居計大說遂與相結引兵而西郅支人衆中寒道 奴憂矣即使使至堅昆通語郅支郅支素恐又怨爲孫 許馬既至郅支單于怒竟殺古等自知負漢又聞呼韓 近邊沒一使以安百姓國之計臣之顧也願送至庭上 因肥在外可迎置東邊使合兵取烏孫以立之長無勾 **邗益殭恐見襲擊欲遠去會康居王數為烏孫所困與** 

單于竟北歸庭民衆稍稍歸之其國遂定 烏孫不敢追西邊空虚不居者五千里 于足以自衛不畏郅支其大臣多勸單于北歸者久之 建昭三年冬使西域都護騎都尉北地甘延壽副校尉 支數借兵擊烏孫深入至赤谷城殺略民人歐畜産去 水光元年匈奴呼韓邪單于民衆益威塞下禽獸盡單 死餘財三千人到康居康居王以女妻郅支郅支亦以 ,康居王康居甚尊敬郅支欲倚其威以脅諸國

飲定四庫全書

喜奇功與延壽謀曰夷狄畏服大種其天性也西域本 遭不敢不予漢遣使三輩至康居求谷吉等死郅支因 城日作五百人二歲乃已又遣使責屬蘇大宛諸國歲 居王女及貴人人民數百或支解投都賴水中發民作 漢遣子入侍其騎嫚如此湯為人沈勇有大慮多策 辱使者不肯奉詔而因都護上書言居困兒願歸計 以大國威名尊重又乗勝騎不為康居王禮怒殺 以陳湯共誅斬匈奴郅支單于於康居始郅支單

直 監記事本末

居畫計欲降服之如得此二國數年之間城郭諸國危 烏孫眾兵直指其城下彼亡則無所之守則不足自保 所在絕遠蠻夷無金城疆弩之守如發屯田吏士歐從 矣且其人剽悍好戰伐數取勝久畜之必為西域患雖 屬匈奴今郅支單于威名遠聞侵陵烏孫大宛常為康 不聽會其久病湯獨矯制發城郭諸國兵車師戊已校 曰國家與公鄉議大策非凡所見事必不從延壽猶與 -載之功可一朝而成也延壽亦以為然欲奏請之湯

漢軍相及頗冤盗後重湯縱胡兵擊之殺四百六十人 |漢兵胡兵合四萬餘人延壽湯上疏自劾奏矯制陳言 冠赤谷城東殺略大昆彌干餘人歐畜産甚多從後與 烏孫涉康居界至関池西而康居副王抱関將數千騎 兵狀即日引軍分行别為六校其三校從南道踰葱領 尉屯田吏士延壽聞之驚起欲止焉湯怒按剱叱延壽 徑大宛其三校都護自將發温宿國從北道入赤谷過 曰大衆已集會豎子欲沮衆邪延壽遂從之部勒行陳

通鑑紀事本末

色子男開年以為導見色子即居墨母之弟肯怨單于 引行未至單于城可六十里止管復捕得康居貴人見 軍食又捕得抱閱貴人伊奴毒入康居東界令軍不得 得其所略民四百七十人還付大昆彌其馬牛羊以給 遭使問漢兵何以來應曰單于上書言居困院願歸計 由是具知郅支情明日引行未至城三十里止營單于 為冠間呼其貴人屠墨見之諭以威信與飲盟遣去徑

殭漢身入朝見天子哀閔單于棄大國屈意康居故使

單于與大臣審計策明日前至郅支城都賴水上離城 鱗陳講習用兵城上人更招漢軍曰關來百餘騎馳赴 之禮也兵來道遠人畜罷極食度且盡恐無以自還願 今無名王大人見將軍受事者何單于忽大計失客主 甲乗城又出百餘騎往來馳城下步兵百餘人夾門魚 三里止管傳陳望見單于城上立五采幡幟數百以被 使數往來相答報延壽湯因讓之我為單丁遠來而至一

通隔紀事具夫

都護將軍來迎單于妻子恐左右驚動故未敢至城下一

一欽定四庫全書 之初單于聞漢兵至欲去疑康居怨己為漢内應又聞 城各有所守穿塹塞門戶鹵楯為前或努為後仰射城 管管皆張弩持滿指之騎引却頗遣吏士射城門騎步 樓上人樓上人下走土城外有重木城從木城中射頗 殺傷外人外人發新燒木城夜數百騎欲出外迎射殺 兵騎步兵皆入延壽湯令軍開鼓音皆薄城下四面圍

堅守漢兵遠來不能久攻單于乃被甲在樓上諸関氏

單于男女百餘人走入大內漢兵縱火吏士争入單于 數奔管不利輒卻平明四面火起吏士喜大呼乗之 死單于乃下夜過半木城穿中人卻入土城乗城呼 鼓聲動地康居兵引卻漢兵四面推鹵楯並入土城中 定日車至書 創死軍候假丞杜勲斬單于首得漢使節二及谷古 居兵萬餘騎分為十餘處四面環城亦與相應和 2 高帛書諸鹵獲以界得者凡斬關氏太子名王 通絲紀事本末

夫人数十旨以亏射外人外人射中單于鼻諸夫人

臣延壽臣湯將義兵行天誅賴陛下神靈陰陽並應 于已稱北藩唯郅支單于叛逆未伏其辜大夏之西以 氣精明陷陳克敵斬郅支首及名王以下宜縣頭豪 為疆漢不能臣也郅支單于像毒行於民大惡通於五 四年春正月郅支首至京師延壽湯上疏曰臣聞天下 **丁城郭諸國所發十五王** 下千五百一十八級生虜百四十五人降虜千餘人賦 之大義當混為一皆有唐虞今有殭漢匈奴呼韓邪單

請罷邊備塞吏卒以休天子人民天子下有司議議 |蠻夷即間以示萬里明犯彊漢者雖遠必誅丞相匡衡 竟寧元年春正月匈奴呼韓邪單于來朝自言願壻 等以為方春掩骼埋物之時宜勿縣詔縣十日乃埋之 五年匈奴呼韓邪單于聞郅支既誅且喜且懼上書願入朝見 仍告祠郊廟赦天下羣臣上壽置酒 -于雕喜上書願保塞上谷以西至燉煌傳之無窮 氏以自親帝以後官良家子王嫱宇昭君賜單于

The state of the

通鑑紀事本末

**三五** 

南徑深山谷往來差難邊長老言匈奴失陰山之後過 幕北地寒少草木多大沙匈奴來冠少所敬隱從塞以 **徽起亭隧築外城設屯成以守之然後邊境得用少安** 獸本冒頓單于依阻其中治作方矢來出為冠是其於 者皆以為便郎中侯應習邊事以為不可許上問狀應 北邊塞至遼東外有陰山東西千餘里草木茂威多禽 **围也至孝武世出師征代斥奪此地攘之於幕北建塞** 日周秦以來匈奴恭禁冠侵邊境漢與尤被其害臣聞

外城省亭隊令裁足以候望通烽火而已古者安不忘 建關梁以制諸侯所以絕臣下之親欲也設塞微置屯 危不可復罷二也中國有禮義之教刑罰之誅愚民猶 臣夫夷狄之情困則早順殭則騙逆天性然也前以能 也今里德廣被天覆匈奴匈奴得蒙全活之恩稽首來 成非獨為匈奴而已亦為諸屬國降民本故匈奴之人 之未當不哭也如罷備塞戍卒示夷狄之大利不可 犯禁又况單于能必其聚不犯約哉三也自中國尚

通鑑紀事本天

恐其思情逃亡四也近西差保塞與漢人交通吏民貧 多日間匈奴中樂無奈候望急何然時有亡出塞者七 困一旦亡出從其親戚六也又邊人奴婢愁苦欲亡者 生婦易分爭之漸五也往者從軍多沒不還者子孫貧 利侵盗其畜産妻子以此怨恨起而背畔令罷乗塞則 也盜賊無禁草軍犯法如其窘急亡走北出則不可制 木谿谷水門稍稍平之卒徒築治功費久遠不可勝計 八也起塞以來百有餘年非皆以土垣也或因山嚴石 卷四中 將軍嘉口諭單于日單于上書願罷北塞吏士屯戍子 開夷狄之隊虧中國之固十也非所以永持至安威制 百蠻之長策也對奏天子有詔勿議罷邊塞事使車騎 治累世之功不可卒復九也如罷戍卒省候望單于自 臣恐議者不深慮其終始欲以一切省縣戍十年之外 以保塞守架必深德漢請求無已小失其意則不可測 百歲之內卒有它變障塞破壞亭隧滅絕當更發屯繕

孫世世保塞單于鄉慕禮義所以為民計者甚厚此長

通鑑紀事本末

**扶訾懼誅將其衆千餘人降漢漢以為關內侯食邑三** 罷故使嘉晓單于單于謝曰愚不知大計天子幸使大 備塞外也亦以防中國姦邪放縱出為冠害故明法度 久之策也朕甚嘉之中國四方皆有關梁障塞非獨以 以專眾心也敬諭單于之意朕無疑焉為單于怪其不 百户令佩其王印綬及呼韓那來朝與伊扶訾相見謝 定其後或幾伊扶訾自伐其功常鞅鞅呼韓邪疑之伊 臣告語甚厚初左伊秋些為呼韓邪畫計歸漢竟以安

請王歸庭伊秩訾曰單于賴天命自歸於漢得以安 請不能得而歸單于號王昭君為寧胡閼氏生一男伊 甘延壽延壽不取及破郅支還丞相御史亦惡其為制 屠智牙師為右日逐王 匈奴是兩心也願為單于侍使於漢不敢聽命單于固 曰王為我計甚厚今匈奴至今安寧王之力也德豈可 寧單于神靈天子之枯也我安得力既以降漢又復歸 忘我失王意使王去不復顧留旨我過也今欲白天子 初中書令石顯嘗欲以姊妻

通鑑紀事本末

皆不與延壽等陳湯素貪所鹵獲財物入塞多不法司 路今司隷反逆收繫按驗是為郅支報讎也上立出吏 共誅郅支單于幸得禽滅萬里振旅宜有使者迎勞道 隷校尉移書道上繫吏士按驗之湯上疏言臣與吏士 爭欲乗危徼幸生事於蠻夷為國招難帝内嘉延壽湯 壽湯擅與師為制幸得不誅如復加爵土則後奉使者 士令縣道具酒食以過軍既至論功石顯匡衡以為延 而重達衝顯之議久之不決故宗正劉向上疏日郅 定匹庫全書 / 卷四中

立昭明之功萬夷間伏莫不懼震呼韓邪單于見郅支 臣立十載之功建萬世之安厚臣之勲莫大焉昔周大 兵出百死入絕域遂蹈康居屠三重城奉歙侯之旗斬 **羣臣皆閔焉陛下赫然欲誅之意未曾有忘西域都護** 支單于囚殺使者吏士以百數事暴揚外國傷威段重 已誅且喜且懼鄉風馳義稽首來賔願守北藩累世稱 郅支之首縣旌萬里之外揚威昆山之西埽谷古之恥 延壽副校尉湯承聖指倚神靈總百蠻之君攬城郭之

通鑑紀事本末

賞不踰月欲民速得為善之利也盖急武功重用人 厚如霓如雷顯允方叔征伐獫狁蠻荆來威易曰有嘉 夫方叔吉甫為宣王誅檢狁而百蠻從其詩曰單單厚 吉甫之歸周厚賜之其詩曰吉甫宴喜既多受祉來歸 論大功者不録小過舉大美者不疵細瑕司馬灋曰軍 也今延壽湯所誅震雖易之折首詩之雷霆不能及也 折首獲匪其醜言美誅首惡之人而諸不順者皆來從 5鎬我行永久千里之鎬猶以為遠况萬里之外其勤 四月在書

之功後有城項之罪君子以功覆過而為之諱貳師將 至矣延壽湯既未獲受祉之報反屈捐命之功久挫以 獲駿馬三十匹雖斬死王母寡之首猶不足以復費其 軍李廣利捐五萬之師靡億萬之費經四年之勞而僅 侯三卿二千石百有餘人今康居之國疆於大宛郅支 私罪惡甚多孝武以為萬里征伐不録其過遂封拜兩 刀筆之前非所以勸有功厲戎士也音齊桓前有尊問

之號重於宛王殺使者罪甚於留馬而延壽湯不煩漢

通鑑紀事本末

灾足日事 A 香

士不費斗糧比於貳師功德百之且常惠隨欲擊之鳥 則大於方叔吉南列功覆過則優於齊桓貳師近事之 孫鄭吉迎自來之日逐猶皆裂土受爵故言威武勤勞 |豆如軍法捕斬單于令匡衡石顯以為郅支本亡逃失 宜以時解縣通籍除過勿治尊寵爵位以勸有功於是 功則高於安遠長羅而大功未著小惡數布臣竊痛之 天子下詔赦延壽湯罪勿治令公鄉議封焉議者以為 國竊號絕域非真單于帝取安遠侯鄭吉故事封干戶

成帝建始二年匈奴呼韓邪單于嬖左伊扶訾兄女二 少女為大関氏生四子長曰雕陶莫旱次曰且糜胥皆 湯為射聲校尉 侯食邑各三百户加賜黃金百斤拜延壽為長水校尉 長於且莫車少子咸樂二人皆小於囊知牙斯又它閼 衝顯復爭夏四月戊辰封延壽為義成侯賜湯爵關內 氏子十餘人顓渠閼氏貴且莫車愛呼韓邪病且死欲 人長女顓渠閼氏生二子長曰且莫車次日囊知牙斯

钦定日華 全書一人

通鑑紀事本末

漢力故得復安今平定未久人民創义戰關且其車年 立且莫車顓渠関氏曰匈奴亂十餘年不絕如髮賴蒙 貴立賤後世公亂單于卒從顓渠闕氏計立雕陶莫拿 少百姓未附恐復危國我與大関氏一家共子不如立 雕陶莫皐大閼氏曰且莫車雖少大臣共持國事今舍 約令傳國與弟呼韓邪死雕陶莫皇立為復株累若與

單于復株累若鞮單于以且康胥為左賢王且其車為

左谷蠡王囊知牙斯為右賢王復株累單于復妻王昭

湯下獄當死太中大夫谷水上疏訟湯曰臣聞楚有子 君生二女長女云為須卜居次小女為當于居次 居財物戒官屬曰絕域事不覆較雖在赦前不宜處位 窺兵井陘近漢有郅都魏尚匈奴不敢南鄉沙幕由是 玉得臣文公為之仄席而坐趙有廉頗馬服彊秦不敢 二千石奉使顓命蠻夷中不正身以先下而盜所收康 湯坐免後湯上言康居王侍子非王子按驗實王子上 上即位之初丞相匡衡復奏射聲校尉陳湯以吏

**見監に事な**た

一 飲定四庫全書 言之戰克之將國之爪牙不可不重也盖君子聞鼓華 之聲則思將師之臣竊見關內侯陳湯前斬郅支威震

賜死杜郵秦民憐之莫不隕涕令湯賜秉钺席卷喋血 湯坐言事非是幽囚久繁歷時不决執憲之吏欲致之 大辟昔白起為秦將南拔郢都北院趙括以纖介之過 百蠻武暢西海漢元以來征伐方外之將未當有也令

言事為罪無赫赫之惡周書曰記人之功忘人之過宜

不敢還歸使者以聞下公鄉議議者或言宜如故事受 惟盖之施庸臣遇湯卒從吏議使百姓介然有秦民之 恨非所以厲死難之臣也書奏天子出湯奪爵為士伍 臣者哉竊恐陛下忽於鼙鼓之聲不察周書之意而忘 河平元年匈奴單于遣右皐林王伊邪莫演等奉獻朝 二年春伊邪莫演罷歸自言欲降即不受我我自殺終

通鑑紀事本末

為君者也夫犬馬有勞於人尚加惟盖之報况國之功

單于聘貢之質而更受其逋逃之臣是貧一夫之得而 吉凶受之虧德沮善令單于自疏不親邊吏或者沒為 其降光禄大夫谷永議郎杜欽以為漢興匈奴數為邊 藩遣使朝賀無有二心漢家接之宜異於往時今既享 害故設金爵之賞以待降者今單于屈體稱臣列為北 反間欲因而生隙受之適合其策使得歸曲而責直此 初立欲委身中國未知利害私使伊邪莫演詐降以卜 一國之心擁有罪之臣而絕慕義之君也假令單于

妄言耳遣去歸到官位如故不肯令見漢使 受以昭日月之信抑詐該之謀懷附親之心便對奏天 車立為車牙若鞮單于以囊知牙斯為左賢王 子從之遣中郎將王舜往問降狀伊邪莫演曰我病在 誠邊境安危之原師旅動静之首不可不詳也不如勿 元延元年匈奴搜指單于將入朝未入塞病死弟且莫 四年春正月匈奴單于來朝

綏和元年秋八月匈奴車牙單于死弟囊知牙斯立為

通鑑紀事本末

鷲羽如得之於邊甚饒國家有廣地之實將軍顯功垂 說王根曰匈奴有斗入漢地直張掖郡生奇材木箭竿 烏珠留若鞮單于烏珠留單于立以弟樂為左賢王興 為右賢王漢遣中郎將夏侯藩副校尉韓容使匈奴或 至匈奴以語次說單于曰竊見匈奴斗入漢地直張掖 於無窮根為上言其利上直欲從單于求之為有不得 傷命損威根即但以上指曉藩令從藩所說而求之藩 郡漢三都尉居塞上士卒數百人寒苦候望久勞單于 发世屋 白星 卷四中

藩還遷為太原太守單于遣使上書以藩求地狀聞詔 諸侯作穹廬及車皆仰此山材木且先父地不敢失也 漢不求此地至知獨求何也已問温偶縣王匈奴西邊 所求也潘曰詔指也然潘亦為單于畫善計耳單于曰 宜上書獻此地直斷割之省兩都尉士卒數百人以復 藩容歸漢後復使匈奴至則求地單于曰父兄傳五世 此温偶縣王所居地也未晓其形狀所生請遣使問之 天子厚恩其報必大單于日此天子詔語邪將從使者

通鑑紀事本末

報單于曰潘擅稱認從單于求地法當死更大赦二今 帮可且勿許單于使解去未發黃門郎揚雄上書諫日 中國輒有大敌上由是難之以問公卿亦以為虚費府 被疾或言匈奴從上游來厭人自黃龍竟寧時單于朝 哀帝建平四年秋八月匈奴軍于上書願朝五年時帝 徙潘為濟南太守不令當匈奴 臣聞六經之治貴於未亂兵家之勝貴於未戰二者皆 定匹庫全書] 卷四中

微然而大事之本不可不察也今單于上書求朝國家

權書遺之然後得解及孝文時匈奴侵暴北邊候騎至 所以脫者世莫得而言也又高皇后時匈奴悖慢大臣 敢窺西河乃築長城以界之會漢初與以高祖之威靈 遠稱請引秦以來明之以秦始皇之殭蒙恬之威然不 帝所不能臣三王所不能制其不可使隙明甚臣不敢 雅甘泉京師大駭發三將軍屯細柳棘門霸上以備之 三十萬衆困於平城時奇譎之士碩畫之臣甚衆卒其 小許而辭之臣愚以為漢與匈奴從此際矣匈奴本五

通艦犯事本末

青稱臣也且夫前世豈樂傾無量之費役無罪之人快 規恢萬載之策乃大與師數十萬使衛青霍去病操兵 數月乃罷孝武即位設馬邑之權欲誘匈奴徒費財勞 心於很望之北哉以為不壹劳者不久佚不暫費者 王貴人以百數自是之後匈奴震怖益求和親然而未 前後十餘年於是浮西河絕大幕破真顏襲王庭窮極 地追奔逐此封狼居胥山禪於姑行以臨翰海虜名 屬不可得見况單于之面乎其後深惟社稷之計

定四庫全書

**卷** 

之間大化神明鴻恩溥洽而匈奴内亂五單于爭立日 軍故北狄不服中國未得高枕安寢也逮至元康神爵 逐呼韓邪攜國歸死扶伏稱臣然尚羈縻之計不額制 獲徒奮揚威武明漢兵若雷風耳雖空行空反尚誅 兩將 孫侵公主乃發五將之師十五萬騎以擊之時鮮有所 此之後欲朝者不距不欲者不過何者外國天性忿

通鑑紀事本末

盧山之壑而不悔也至本始之初匈奴有桀心欲掠鳥


水寧是以忍百萬之師以推餓虎之喙運府庫之財填


其和難得故未服之時劳師遠攻傾國彈貨伏尸流血 鷙形容魁健負力怕氣難化以善易肄以惡其殭難 歃 中國之堅敵也三垂比之縣矣前世重之兹甚未易可 威儀俯仰如此之備也在時當屠大宛之城蹈鳥桓之 破堅拔敵如彼之難也既服之後慰薦無循交接貼遺 問郡縣而置之雲徹席卷後無餘災唯北狄為不然 不過旬月之役遠不離二時之勞固已犂其庭掃 探姑總之壁籍湯姐之場义朝鮮之旃拔两越之旗 定匹庫全書 | 卷四

者勞心於內辯者數擊於外循不若未然之時也且往 漢因以自絕終無北面之心威之不可諭之不能馬得 來之際夫疑而隊之使有恨心負前言緣在解歸怨於 奈何拒以來厭之辭疎以無日之期消往昔之恩開將 未然即兵革不用而憂患不生不然壹有隙之後雖智 不為大憂乎夫明者視於無形聽者聽於無聲誠先於 乃上世之遺策神靈之所想望國家雖費不得已者也 輕也今單于歸義懷款誠之心欲離其庭陳見於前此

钦定四車全書 一人

匈奴也夫百年勞之一日失之費十而愛一臣竊為國 計者宣為康居烏孫能踰白龍堆而冠西邊哉乃以制 者圖西城制車師置城郭都護三十六國費歲以大萬 帛五十匹黄金十斤單于未發會病復遣使願朝明年 奏天子寤焉召還匈奴使者更報單于書而許之賜雄 不安也唯陛下少留意於未亂未戰以遏邊萌之禍書 元壽二年春正月匈奴單于來朝自黃龍以來單于每







謄録監生臣金士度校對官編修臣表 謙總校官庶吉子臣張能照